

թեամբ: * Նորա աշակերտներն էին Բարսեղ Կեսարացին եւ Գրիգոր Աստուածարանը, աշակերտակից ունենալով բազմաթիւ հայ երիտասարդներ, որոնք եւ յիշուած են նրանց կողմից: Հայ ուսանողների մասին յիշատակութիւն ունի եւ Լիբրիանոս յոյն հետորդ իւր աշակերտների թուում: † Յայտնի է, որ Գրիգոր Լուսաւորիչ եւ որդիքը, Ներսէս մեծ եւ Սահակ Պարթեւ յունական կրթութիւն էին ստացել Կապադոկիայում: Փարպեցին յիշում է հայ երիտասարդներ գրերի գիւտից առաջ՝ ստիպուած էին «բազում թոշակօք եւ հետազնայ ճանապարհօք եւ բազմաժամանակեայ դեգերմամբ» ձեռք բերել ասորերէնի գիտութիւնը եկեղեցական պաշտաման համար: Ամբողջ չորրորդ դարը՝ Լուսաւորչից մինչեւ տասերի գիւտը, բազմաթիւ ուսանողներ պէտք է գնացած լինէին արտասահման ասորի եւ յոյն լեզուներին տիրապետելու համար: Ս. Սահակի եւ Մեսրոպի աշակերտներ ուղարկելը յոյն-ասորական դպրոցները, սկզբնաւորութիւն չէր, այլ մի դար եւ աւելի արդէն աւանդութիւն դարձած երեւոյթ:

Այս համալուծ տեսութեան նպատակն էր պարզել, թէ եկեղեցական ճարտարապետութեան ծագումը Հայաստանում Գ. դարի վերջերին կամ Գ. դարի սկզբում, միանգամայն հասկանալի է եւ իրական: Եղեսիայի եւ Հայաստանի քրիստոնեայ պետութիւնների մէջ դարմանալի չէ նոր կրօնի ազդեցութեամբ եւ պահանջների համեմատ քրիստոնէական գրականութեան եւ արուեստի ծագումը: Արգար Թ.-ի ժամանակակիցն էր եւ բարեկամը նշանաւոր մատենագիր եւ բանաստեղծ Բարդեճանը, որ Հիպոլիտի կողմից «հայ» է կոչուած: Նորա հոգեւոր երգերը կամ սաղմոսները շատ տարածուած էին եւ երգում էին քրիստոնեաները մինչեւ Եփրեմի ժամանակները: Մի ուրիշ նշանաւոր մատենագիր Տատիանն էր, Բ. դարի վերջե-

րում, որի Դիաթեսարոն-ը Ե. դարում թարգմանուած է հայերէն: * Մատենագրութեան հետ երեւան է գալիս եւ ճարտարապետութիւնը. Եղեսիայի առաջին եկեղեցին շինուած է 201 թ., մի աւելի մեծ եկեղեցի 313 թ., այսինքն քրիստոնէութիւնը հոռոմէական պետութեան մէջ պետական կրօն դառնալուց առաջ: Չորրորդ դարում եւ մանաւանդ Ե.-ում շինուած եկեղեցիներ կան Ասորիքում՝ հաստատուն թուականով՝ ինչպէս 338 թ. քառ Sarre-ի եւ Herzfeld-ի շինուած Մար Յակոբի եկեղեցին Մծրինում: **

Հարաւարեւելեան Հայաստանի քրիստոնէութիւնն էլ սկզբնական շրջաններում ենթարկուած է սիրիական քարոզչութեան. այդ են ցոյց տալիս մեր նախնական աւանդութիւնները նոր կրօնի ծագման եւ հաստատութեան հետ կապուած: Լուսաւորչի քարոզչութեամբ քրիստոնէական կրօնը պետական դառնալուց յետոյ եւս, եթէ Լուսաւորչի եւ նորա տան հայեացքը դէպի արեւմուտք է ուղղուած, չեն պակասում ապացոյցներ, թէ ասորական քարոզչիների մեծ տարր կար Հայաստանում, որ իւր յաւակնութիւններն ունէր Հայաստանի հայրապետութեան վերայ: Չորրորդ եւ հինգերորդ դարերում ոչ միայն հայ ուսանողներ դիմում են նաեւ ասորական կեդրոնները, այլ եւ տասերի գիւտի առաջին փորձերը կապուած են ասորական կեդրոնների հետ եւ նոյն իսկ տասերի գիւտից յետոյ՝ թարգմանութեան առաջին փորձը կապուած է ասորերէնի հետ:

Հոգեւոր այս աղերսներով էլ պէտք է հասկանալ նաեւ հայ քրիստոնէական ճարտարապետութեան ծագումն ու նմանութիւնները ասորական-միջագետական հելլենիզմի նմանութեան ենթարկուած արուեստի հետ: Այս աղերսը աւելի պայծառ կերպով երեւում է Գ.-Չ. դարերի հայ գերեզմանական կոթողներով, որոնց ուսումնասիրութեան անցնում ենք հետեւեալ մասում:

*Eunapii Vitae Sophistarum. Boissonade, p. 485 եւ շարք.

†Funerbris dratio in laudem Basillii Magni.

*Harnack. Christliche Litteratur, Lpzg., hr. 184 եւ 485:

**Archeologische Reise in Euphrat und Tigris Gebiet. Band II. 342-343.

